

重脩邱縣志序

邑之有志猶國之有史雖偏全廣狹之不同而其為紀載則一也志所紀載自天文地理建置而外田賦以時而升降官師以時而易人物藝文以時而增益賴牧民者接踵而纂訂之跡其既注引于無窮庶幾罔見不至久而失溥故邑

張序一

不可以無志而志又不可以不脩也卽于東省為西隴彈丸邑卽秦斥卽漢館陶別鄉故址城北地多鹹鹵西界漳河東臨黃河故道沙浮水溢土瘠民貧是其地勢然也明以前志書無考有之則自萬曆時邑宰侯國安始聖祖乙巳歲張令珽復潤色加增列



經凡八目凡三十有六井乎
一邑之成書焉自是而後迄于今
歲閱三紀其間田賦之升降官師
之更易人物藝文之增益又不知
凡幾官茲土者日積月累久而不
修其不至混淆莫考湮沒不傳者
幾希矣余同鄉慈谿王年兄諱輅
者來令斯邑僅一載餘耳刻苦居

張序二

官勞心撫字錢糧無庚癸之呼里
井有盈寧之慶惠聲善政嘖人
口而又於其暇日慨然謂縣志一
書乃文獻法戒所資輜軒觀風所
藉因集邑中紳士韓子思聖劉子
儼然士縉等撫軼事攷近今共襄
斯舉不數月稿本已釐然具備遂
而解橐庀材災梨棗而觀厥成余

適於戊申之中和節巡其地觀其書不禁心喜而器重焉夫山東一百四州縣固莫不有志大抵因陋就簡略不備缺不修漸就磨滅者不可勝數詰其故不曰刻無資則曰時無暇余既怙之而後諒之然而未嘗不鄙其人也今邱邑雖小有錢穀刑名之事王令誠賢不過

張序三

為司牧之官其俸非有加也其職亦非敢曠也乃獨能舉三十餘年之闕而弗傳者昭然于簡冊之中嗚呼亦加人一等矣抑余猶有望焉邱邑近河率多沙地不豐穀麥但賦則有上中下不等中下者無論而上則者既無逢年之樂仍不免維正之供民之苦已非一日近


聞王令親勘其地將核其數之多寡申報上司為民請命勲、懇、情不能已此三代以還循吏之所為也王令勉之異日者沙地得以邀恩而民之積困以消亦猶志書之重新而一旦改觀也豈不休哉是為序

張序四

告

雍正六年戊申二月穀旦

欽命山東巡察烏程張鳴鈞凌南氏撰



重修邱縣志序

粵稽古昔盛時太史輜軒採列國之風謠貢之

天子故列國各有史以紀載時事迨秦置郡縣分疆殊域而志乘因之散見焉志與史雖名異而實

王序

同其所係豈淺鮮哉我

國家定鼎以來薄海內外罔不率俾幅幘之廣亘前代所未有爰命詞臣彙各省郡縣之志纂成為大清一統志典甚鉅也今

皇上纘承大統基命宥密不六年仁

漸義摩大化翔洽丙午丁未冬
春河清再見而麥穀之雙稜數
穗者且疊呈於大內各省藉田
之間猗歟休哉以是傳之國史
謂非前古後今之盛事哉夫

聖天子致此邈隆於上承流宣化於

王序

二

下者不能叅互考訂使地方之
興廢利弊列諸簡編以彰勸懲
或畧焉而弗詳或誇焉而不實
可乎哉邙邑僻處東省西陲三
方交錯直豫州縣土瘠民貧固
凋敝之區也然余不令邙余而

令邱則將以身視邱以家視邱
凡邱之疆域山川土田貢賦人
民物產猶米鹽薪水之必須檢
點也手足耳目之必須驗視也
夫寄物於人其人亦必取而諦
觀之為之窮其所自出為之詢

其所由來為之權其輕重為之
度其長短為之察其完缺好醜
而况以民社之重遺投於我其
可忍焉而不為之詳覈乎因閱
舊志自康熙四年張令修輯至
今六十餘年劃然中斷其間灾

祥之疊出賦役之增損建置之
更新貴顯幽正之薪積而基累
者不可勝數苟不網羅而紀載
之非所以崇教化備法戒也於
是特延明經韓子思聖劉子儼
然秉禮并博士宇撰士縉蔣劉

二生以史學良才董襄厥事旁
蒐廣覽綜核靡遺寧嚴而刻毋
浮而贗用以昭明前烈風示來
茲且以備

本朝他年續修一統志得有所採
擇焉至於有疆域則思所以綏

靖之有山川則思所以奠定之
有土田貢賦則思所以闢其草
萊而均其稅歛有人民物產則
思所以教育其身心而宣節其
源流此尤余之所憐憐而深愧
其未遑者敢不自勗而并以俟

王序

五

夫後之君子

皆

雍正六年戊申榴月知邱縣事

慈湖王輅撰



凡例

一原志體例俱遵府志府爲綱二十有二闕邱之所無者其所有照依次第從事明有統也

一志中凡邱字舊無邑旁今遵

旨改書統作邱避先師諱也

一志有綱有目綱凡八目凡三十有六以類相從有條不紊便觀覽也

一綱目原有弁言以明其中所載之義使閱者先曉然於其故而後徐以觀其詳今畧加釐定大率由舊者多不

邱縣志

卷之一 凡例

一

忘本也

一志中有附以圖者恐言之或有弗著而復圖狀以示之欲其物事瞭然在目也

一沿革分野悉依原志爲據不更加點山川古蹟小有訂補詳所畧增所無也

一戶口以雍正三年丁歸地畝爲定地畝分別荒熟貢賦起存仍依全熟舊編所載不以變易常也

一官師賢明可考者識之文行政績歷歷可數者爲傳餘祇載名不賢者亦諱之原志體例夫有所受不敢蹈訕

上之愆也

一見任例不立傳而賢明必有紀績蓋恐後失考故預爲張本今以

大政日新珥筆不盡姑述梗概以附循傳從他志例也

一人物甲科爲最而明經次之其功德顯著論定於百年之後者無論從祀與未從祀皆特爲之傳其餘凡有善有學有才雖不得其詳亦於名下分別傳註以協清議今仍依舊例不敢蔽美至孝義節烈原志外有增續者悉從士民公舉編入天地鬼神寔式鑒之

邱縣志

卷之一 凡例

二

一鄉紳賢否蓋棺始定見在者雖美不書直道自在後人不敢以阿好亂成例也

一志由地理以及人物紀載已盡而猶有所當載不能以類從者則統彙一編著爲雜誌以補前綱之所未備也

一藝文中誥命誌銘例不附載名臣奏議待編史館去思勒在珉石德政任之口碑舊志原未入卷其餘記序詩詞惟取其有闕風土有功政教而其人其文足以副之者寧苛勿濫恐貽後來所訕笑也

一國家文明大脩重熙累洽百度維新重以

郡憲之徵詢

邑主之委託誠千載一時也謹遵頒示規模遺漏者增
之舛錯者正之期以勒成全書紹先啟後庶獲叨附驥
之榮而不致貽續貂之誚云爾

邱縣志

卷之一

凡例

三

纂修縣志姓氏

文林郎知印縣事 慈水 王 輅重修

儒學 教諭 膠東 李大發校閱

韓思聖

纂輯

貢士 邑人

劉秉禮

拔貢生 邑人 劉儼然編次

蔣宇撰

全訂

邑 庠 生

劉士縉

典史 蕭山 汪 楠董刊

印縣志

卷之一

姓氏

一

目錄

卷之一

地里志

圖二前總圖

沿革 并表 分野 有圖 疆域 山川 風俗

古蹟 物產

卷之二

建置志 圖三

城池 有圖 公署 有圖 學校 有圖 坊表 倉廩

里甲 集市 兵衛

邱縣志 卷之一 目錄

一

卷之三

祀典志

壇壝 廟祠 寺觀附

卷之四

田賦志

戶口 地畝 貢賦 鹽課

卷之五

職官志

縣令 丞簿尉附 學博 名宦傳

卷之六

人物志

謁拜

薦辟

選舉

地封

鄉賢傳

孝義

節烈

卷之七

襍志 圖一

災祥

紀事

有圖

錄異

卷之八

藝文志

印縣志

卷之一 目錄

二

記序

詩歌

邱縣志

知縣事慈水王

重纂

地里志一

沿革
古蹟

分野
物產

疆域

山川


風俗

爲邑志者必先地里沿革視乎地分野應乎天而疆域於是乎辨山川於是乎麗以至微之爲風俗可以觀化傳之爲古蹟可以鏡往著之爲物產可以利用悉依諸志備載庶賢良相繼得以覽輿地而起經綸也作地里志第一

邱縣志

卷之一 沿革

地里總圖



邱縣志
 沿革
 邱彈丸邑也溯禹跡平成以來更置廢興不知凡幾初
 爲乾侯繼爲斥邱爲平恩或統屬魏博或分隸廣洛或
 值太平文明而當其治或遭兵戈改革而當其亂爲志
 者將脩紀其山川風物土田政教必托始於此亦曰志
 之權輿在是也志沿革爲地里之一
 禹制九州周官職方氏掌天下之地辨九州之國河內曰
 冀州叔虞封唐爲晉在冀州域春秋魯昭二十八年公如
 晉次乾侯胡註晉境內邑名杜註在斥邱縣戰國屬趙而

邱縣志

卷之一

沿革

二

